



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1682. usque ad annum 1690

**Fleury, Claude**

**August. Vind. [u.a.], 1781**

**VD18 90119231**

§. 104. Rhenana expeditio Gallis proficua, deratis adversa.

---

[urn:nbn:de:hbz:466:1-67608](https://nbn-resolving.org/urn:nbn:de:hbz:466:1-67608)

Sæc. XVII. nubio quatuor Cæsareorum millia im-  
 A. C. 1690 provisa irruptione delevit, captis ipsis  
 Ductoribus Heislero & Doria, & in-  
 tegra ferme Provincia Töckelio sub-  
 acta: Tempestive autem cum recenti  
 milite Ludovicus Badensis Marchio ac-  
 currens, continuis velitationibus re-  
 bellem adeo laceffiverat, ut illum ex tota  
 Transylvania ejiceret. Feliciore adhuc  
 Marte contra Turcas pugnarunt Veneti,  
 qui Malvasia ad deditionem compulsa  
 & ejusque arce expugnata integram  
 Peloponensum suis armis subjece-  
 runt.

## §. CIV.

*Rhenana expeditio Gallis prospera,  
 Fœderatis adversa.*

*Theatr. Eu-* Infesta Gallorum irruptio in Imperium  
*rop. tom. 13.* non modo Hungariam contra Tur-  
*pag. 1040.* cas, sed simul etiam Rhenanam expe-  
*Hode l. c.* ditionem contra Imperii hostes fœde-  
*Hist. du* ratis infaustam reddidit; hi enim di-  
*Princ. Eug.* stractis viribus tam Gallorum, quam  
*l. I. p. 119.* Turcarum potentia impares, ac longe  
 inferiores erant: His ad infausti belli  
 successum accedere insuper solitæ inter  
 Germanos Duces cavillationes, & dis-  
 fidia, necnon retardatæ Principum sup-  
 petiæ. Cuncta hæc obstacula, cum  
 Galli in rem suam verterent, Melacus  
 interim

interim iubente ipso Ludovico Rege Sæc. XVII.  
 Coloniensem, Palatinum, Moguntinum A. C. 1690.  
 & Trevirensium Electoratum foede de-  
 solatur, omnesque urbes & pagos,  
 quos nondum integros anno priori com-  
 bufferat, penitus in cineres redegit,  
 & nihilominus ad redimendam incen-  
 dii vexam ab incolis immensam pecu-  
 niarum vim extorsit. Die autem de-  
 cima sexta Martii Galli ex Philippo-  
 burgi oppido Bruchsaliam invadentes,  
 monasteria duo haftenus a flammis il-  
 læsa incenderunt, direptisque Sacris  
 vasis, aliquoties sclopos suos in de-  
 pictam Christi Cruci affixi imaginem  
 exploferunt, arcemque Leiningianam  
 subjecto pulvere pyrio in ruderum  
 acervum dejecerunt. Inclinante ad  
 finem Mense Majo Delphinus tra-  
 jecto Rheno cum quadraginta arma-  
 torum millibus Stappenheimii castra  
 posuit, quo inspectante celebratissimi  
 ejus incendiarii decem urbes unacum  
 pretiosa Aula a Carolo Magno erecta  
 continenti incendio absumpserunt; tan-  
 dem vero Delphinus, ubi nil concre-  
 mandum supererat, maximis itineri-  
 bus Rhenum remensus, in Alsatiam  
 contendit, ne cum Bavaro ipsum inse-  
 quente manus conferere cogeretur: In  
 Belgio etiam Gallis prospera erat Mar-  
 tis fortuna; Bouflerius enim Lucem-  
*Hist. Eccles. Tom. LXV.*      Yy      bur-

Sæc. XVII. burgio junctus Waldechium Batavo-  
A. C. 1690. rum Belliducem ad Floriacum die pri-  
 ma Julii adorsus est, Hispanisque, qui  
 transitum præpedire nitebantur, repul-  
 sis, inito prælio Batavos, Hispanosque  
 insigni clade affecit: Cecidere Batavo-  
 rum sex millia, nec minori suorum  
 jactura Galli campo & victoria potiti  
 sunt, in freto tamen Caletano Batavo-  
 rum atque Anglorum classes feliciter  
 depressere: cumque Ludovicus Rex  
 Victorem Amadæum Sabaudæ Ducem  
 ad foederatorum partes transisse com-  
 pererat, mox ejus jussu Catinatus Ma-  
 rescallas cum duodecim suorum milli-  
 bus hunc Ducatum invasit, & Villa-  
 Franca ac Carignano deditioe, Cava  
 autem vi occupatis foederatos prælo-  
 vicit, totamque ferme Sabaudiam sub-  
 egit; opportune autem Eugenius Sab-  
 audæ Princeps cum Germanorum ac  
 Sabaudorum agmine accurrens, Gal-  
 los jamjam Taurinum incendere para-  
 tos prope Massaliam magna clade pro-  
 trivit, ac fugitivos usque ad Pinaroli-  
 mænia insecutus est: quoniam vero  
 Catinato captorum numerum exposcenti  
 respondisset, Gallis utpote incendiariis  
 nullam vitæ gratiam fuisse datam, Ca-  
 tinatus vicem repensurus, noctu Car-  
 manoliæ suburbia incendit, omnesque  
 incolas jugulari præcepit, & Segusio  
 dedi-

deditione capto totam regionem præ- Sæc. XVII.  
dis, incendiis atque exactionibus ex- A. C. 1690.  
hausit.

## §. CV.

*Jacobus Angliæ Rex denuo in Fran-  
ciam profugere compulsus.*

Interim Jacobus Angliæ Rex Dublini *Salmon hist.*  
in Hibernia octo Gallorum millium *d' Angl. t. I.*  
suppetias cum vario belli apparatu ac- *pag. 454.*  
ceperat: contracto igitur viginti sex *Rapin l. c.*  
millium exercitu Guilielmum Auri-  
cum Competitorem suum, viribus licet  
longe superiorem ad prælium provo-  
care constituit: Nec illud declinabat  
Auriacus, qui Schombergio Duci jun-  
ctus, cruentis velitationibus Jacobi  
exercitum itidem laceffivit: tandem  
vero trajecto Bayonæ fluvio Hibernum  
Equitatum adoritur, leviter faucius:  
Schombergius quoque a quodam mi-  
lite bis gladio in capite vulneratus,  
& ab alio glande trajectus occubuit:  
inde autem exarsere dimicantium stu-  
dia, tantoque vincendi ardore pugna-  
tum, ut aliquamdiu victoria in utram-  
que partem inclinaret: postquam vero  
Hiberni pedites hostium numero op-  
pressi pedem retulerant, totus Jacobi  
exercitus in fugam effusus est, & Jaco-  
bus cum residuo Equitatu ægre inse-  
quen-